

# Powšitkowne WOZJEWJENJA

njedźelu, 11. oktobra 2015

## Filmowa hudźba na piščelach

„Ze sylnej hudźbu słabym pomhać“ je hesło beneficneho koncerta wutoru, 13. oktobra, we 18 hodź. w klóšterskej cyrkwi w Pančicach-Kukowje. Organist Friedemann Stihler zanjese mjez druhim filmowu hudźbu na piščelach. Zastup je darmotny. Kolekta je za šulski projekt w Tansaniji.

## Zhromadny dzeń za džěci 3. a 4. lětnikow

Dekanatne dušepastyrstwo přeprašuje džěci 3. a 4. lětnikow wutoru, 20. oktobra, wot 9 do 15 hodź. do Don Boskoweho domu we Worklecach. Zajimcy njech so prašu hač do štwórtka, 15. oktobra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja štyri eura.

## Zhromadny dzeń za džěci 1. a 2. lětnikow

Dekanatne dušepastyrstwo přeprašuje džěci 1. a 2. lětnikow štwórtk, 22. oktobra, wot 9 do 15 hodź. do Don Boskoweho domu we Worklecach. Zajimcy njech so prašu hač do štwórtka, 15. oktobra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja štyri eura.

## Zapokazanje noweho Ralbičanskeho fararja

Čestny kanonik Šćěpan Delan je wot 1. oktobra za Ralbičanskeho fararja pomjenowany. Swjatočne zapokazanje čestneho kanonika Delana budže srjedu, 21. oktobra, we 18 hodź. na Božej mši w Ralbičanskej cyrkwi. Wšitcy su wutrobnje přeprašeni.

## Zapokazanje noweho Njebjelčanskeho fararja

Farar Michał Nawka je wot 1. oktobra za Njebjelčanskeho fararja pomjenowany. Swjatočne zapokazanje fararja Nawki budže pjatk, 23. oktobra, we 18 hodź. na Božej mši w Njebjelčanskej cyrkwi. Wšitcy su wutrobnje přeprašeni.

## Kermuška za serbskich młodostnych

Wšitcy młodostni su wutrobnje na kermušku Chróšćanskeje wosadneje młodžiny přeprašeni. Tuta budže pjatk, 23. winowca. Započatk je z Božej mšu w 19.00 hodź. w cyrkwi swjateju Symana a Judy Tadeja. Přizamknje so zabawa na Krawčikec žurli ze serbskej kapału SerBeat. Zastup wučinja štyri eura.

## Zetkanje Krupčanskich putnikow

Wšitkich, kotřiž su lětsa pěši do Krupki putnikowali, přeprašuje farar Gabriš Nawka na zetkanje z wječerju do Chróśćic na faru. Tute zahaji so pjatk, 16. oktobra, z wječornymi kemšemi, kotrež budu w 19.00 hodź.

## **Dny za džědow a wowki z wnučkami**

Smochčanski Dom biskopa Bena přepróšuje džědow a wowki ze swojimi wnučkami na zhromadne dny pod hesłom „Štóz so na Boha spušća“. Tute wotměja so tam w druhim prózdnim tydženju wot pónđzele do pjatka, 19. do 23. oktobra. Někotre městna su hišće swobodne. Dalši tajki tydžeń přewjedže so w klětušich zymskich prózdninach wot pónđzele do pjatka, 15. do 19. februara 2016. Zajimcy měli so pod telefonowym čisłom (03 59 35) 2 23 16 abo z mailku pod [paedagogik@benno-haus.de](mailto:paedagogik@benno-haus.de) přizjewić.

## **Eksercicije w Drježdźanskim Domje Wysoke duby**

Dny rozpominanja a modlenja wotměja so wot pjatka, 30. oktobra, we 18 hodź. hač do nje-džeze, 1. nowembra, w 10 hodź. w eksercicijnym Domje Wysoke duby w Drježdźanach. Jezuitski pater Willi Lambert je k temje „Z wutroby žiwy być – Haj k Lětu smilnosće“ přewjedže. Wón budže w němskej rěči přednošować, modlitwy a kěrlušy budu serbske. Dny rozpominanja maja wěriwym pomhać, z duchownymi impulsami, wosobinskim modlenjom, rozmołwu a Božej mšu žro Jězusoweho ewangelija spóznać. Přizjewić měli so zajimcy w Chrósćicach na farje, telefonowe čisło (03 57 96) 8 04 00, w Haus HohenEichen, Dresdnerstr. 73, 01326 Dresden, telefonowe čisło (03 51) 2 61 64 10 abo z mailku na [info@haus-hoheneichen.de](mailto:info@haus-hoheneichen.de).

